



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿ ԵՆԹԱԿԱՌՈՒՅՎԱԾՔՆԵՐԻ  
ԵՎ ԲՆԱԿԱՆ ՊԱՇԱՐՆԵՐԻ  
ՆԱԽԱՐԱՐԻ

**Հ Ր Ա Մ Ա Ն Ը**

*«14.09.2017»* 2017 թվականի № *102-Ն*

**ԸՆԴԵՐՔՕԳՏԱԳՈՐԾՄԱՆ ԻՐԱՎՈՒՆՔԸ ՀԱՎԱՍՏՈՂ ՓԱՍՏԱԹՂԹԵՐՈՒՄ  
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Ղեկավարվելով Հայաստանի Հանրապետության ընդերքի մասին օրենսգրքի 55-րդ հոդվածի 2-րդ մասով, 57-րդ հոդվածով, 59-րդ հոդվածի 1-ին մասի 7-րդ կետի պահանջներով, հիմք ընդունելով հանքավայրի փոփոխված արդյունահանման նախագծի 2017 թվականի հուլիսի 21-ի «Շրջակա մրջավայրի վրա ազդեցության փորձաքննության» թիվ ԲՓ 65 պետական փորձաքննական դրական եզրակացությունը, հաշվի առնելով «Դիլիջան» հանքային ջրի գործարան» ՍՊ ընկերության 2017 թվականի հունվարի 27-ի թիվ 01 գրությունը և Ընդերքի գործակալության պետի զեկուցագիրը՝

**Հրամայում եմ**

1. «Դիլիջան» հանքային ջրի գործարան» ՍՊ ընկերության՝ ՀՀ Տավուշի մարզի Դիլիջանի ածխաթթվային հանքային ջրի հանքավայրի թիվ 2/54 (1K) հորատանցքից արդյունահանման՝ 2012 թվականի հոկտեմբերի 20-ի թիվ ՇԱԹՎ-29/124 թույլտվությունում կատարել հետևյալ փոփոխությունը՝

- գործողության ժամկետը երկարաձգել 50 տարով՝ սահմանելով այն մինչև 2067 թվականի օգոստոսի 07-ը:

2. Ընդերքի գործակալության պետին՝

1) պատրաստել սույն հրամանի 1-ին կետում նշված Հայաստանի Հանրապետության Տավուշի մարզի Դիլիջանի ածխաթթվային հանքային ջրի հանքավայրի թիվ 2/54 (1K) հորատանցքի՝ օգտակար հանածոների արդյունահանման նպատակով ընդերքօգտագործման ՊՎ-124 պայմանագրի փոփոխությունը, ծանուցել դիմումատուին և հրավիրել վերջինիս 10-օրյա ժամկետում պայմանագիրն իր կողմից վավերացնելու մասին.

2) ընկերության կողմից պայմանագրի փոփոխությունը վավերացնելուց հետո 10-օրվա ընթացքում ընկերությանը տրամադրել օգտակար հանածոների արդյունահանման իրավունքը հավաստող փաստաթղթերի փոփոխությունների փաթեթը.

3) ծանուցել ընկերությանը, որ սահմանված ժամկետներում պայմանագրի փոփոխությունը իր կողմից չվավերացնելու և ընդերքօգտագործման իրավունքի փոփոխությունների փաթեթը չստանալու դեպքում, օգտակար հանածոների արդյունահանման իրավունքում փոփոխություններ կատարելու դիմումը բավարարելու վերաբերյալ սույն հրամանը կճանաչվի ուժը կորցրած:

4) ապահովել համապատասխան գրառումների կատարումը օգտակար հանածոների արդյունահանման իրավունքի հաշվառման գրանցամատյանում:

3.«Հանրապետական երկրաբանական ֆոնդ» ՊՈԱԿ-ի տնօրենին - ապահովել ֆոնդային փաստաթղթերում սույն հրամանից բխող համապատասխան գրառումների կատարումը՝ Ընդերքի գործակալության կողմից փաստաթղթերի փաթեթը ստացումից եռօրյա ժամկետում:

4.Սույն հրամանն ուժի մեջ է մտնում ստորագրման պահից և կարող է բողոքարկվել վարչական կամ դատական կարգով՝ ուժի մեջ մտնելու օրվանից 2 ամսվա ընթացքում:

5.Սույն հրամանի կատարման հսկողությունը վերապահել Հայաստանի Հանրապետության էներգետիկ ենթակառուցվածքների և բնական պաշարների նախարարության աշխատակազմի ղեկավարին:



ԱՇՈՏ ՄԱՆՈՒԿՅԱՆ